

URTEAN ZEHARREKO XXVIII. DOMEKEA - A -

SARRERAKO OHARKIZUNA

Senideok, ondo-etorri ospakizun honetara.

Zeruaren irudi dan Eukaristiaren mahaira deitu deusku Jaungoikoak. Berak gertau dau guztiontzat mahai hau; Bera dogu mahi-buru eta Bera izango da gure janari.

Danok deituak izan gara Eukaristian parte hartzera eta zeruko mahaian ere parte izatera. Baina, asko dira Jaungoikoaren deia onartzen ez dabenak, behar bada, guk kristinauok emon behar geuken testigantzea emon ez dogulako.

Prestau gaitezana Jaungoikoaren berbea entzuteko eta bere mahaitik jateko.

Sarrea abestia

Aita baten semeok / sinismen bakar bat dogunok /

anai artean batu garanok /

kantuz gatoz / kantuz zugana, Jauna.

— Seme gara, bai, baina seme izaten ba ete dakigu?

Anai gara, bai, baina anai izaten ba ete dakigu?

Seme izatera, anai izatera, Jauna, heldu nahi dogu.

DAMU-OTOITZA

Senideok: Jaungoikoaren deiari hainbat bider ezetz esan deusogu. Horregaitik, parkamena eskatu deiogun:

- Jesus Jauna, zeure erreinuko otordura guztioi dei egin deuskuzuna. ERRUKI, JAUNA.
- Jesus Jauna, zeure janari miragarriaz asetzen gaituzuna. KRISTO, ERRUKI.
- Jesus Jauna, gure ezetz guztiak parkatzen deuskuzuzana. ERRUKI, JAUNA.

Is 25, 6-10a:

Jaungoikoak gizonarentzat nahi dauan eta gertatzen diharduan etorkizuna iragarriko deusku domeka honetako lehenengo irakurgaiak. Jatordu eder baten irudia erabiliko dau profeteak eta Jaungoikoak gatx guztietatik askatuko gaituala iragarten deusku.

Erantzun-Salmoa: "Jauna dot Artzain..."



Flp 4, 12-14. 19-20:

San Paulok eskerrak emoten deutsez Filiposko kristinauei, eurakandik jaso dauan diru-laguntzagaitik. Baina, aldi berean, beste hau ere esaten deutse: Jaungoikoaren indarrari esker, edozein egoeratan bizitzeko libre sentitzen dala.

Mt 22, 1-14:

Prestau gaitezana Jaunaren berba biziemoilea entzuteko. Zutunik, "Aleluia" abestu daigun.

JAINKO HERRIAREN OTOITZA

Senideok: egin deiogun otoitz errukiaren eta osasunaren iturri dan Aitari, geure preminak aurkeztuz eta bere deiari erantzuteko grazia eskatuz:

- Eleizearen alde: Jaungoikoaren berbeaz argiturik eta altarako janariaz indarturik, zeruko erreinuaren Barri Ona eta Bizi Barria mundu guztian zabaltzen daizan. ESKATU DEIOGUN JAUNARI.
- Munduko herri guztien alde: indarkariazko bideak alde batera itziz, zuzentasunean oinarritzen dan bakea izan daien. ESKATU DEIOGUN JAUNARI.

- Gozez bizi diran guztien alde: mundu honetako ondasunetan parte izan daien; eta, horretarako, nondik bizi daukagunok, zuzenak eta bihotz onekoak izan gaitez. ESKATU DEIOGUN JAUNARI.

- ...

- Otoitzean alkartuta gagozan guztion alde: Jaungoikoaren deiari baietz erantzuten ikasi daigun eta urrunduak Jaungoikoagana erakarten ahalegindu gaitez. ESKATU DEIOGUN JAUNARI.

Onartu bihotz onez, Jauna, zuzendu deusuguzan erreguak. Jesukristo gure Jaunaren bitartez.

Amen.

Jaunartzeko abestia

Hemen gaituzu, Jauna, ogiaren eske:
bizi behar honetan **ahul**du baikintezke.
Zure gorputz santua hartu nahi genduke.
Zu gabe bizit**zer**ik ezingo genduke.

Munduak behar badau eguzki-argia,
mendiko abere**ak** iturri garbia,
orobat nahi badogu barruko bizia,
beharrezkoa **ja**ku zeruko ogia.

Jauna, zure grazia lagun dakigula
ogi hau jan da**gi**gun behar dan bezela.
Ez ahaztu txarrerako jarriak gauzela,
arren, zuzen ta **le**ial bizi gaitezela.

Oharrak